

XEERKA N. 180 rep.

MAAMULKA WALAAYADA TALYAANIGA EE SOOMALIA

XOGHAYAHA GUUD

MARKUU ARKAY sharciga lambar 4 soona baxay nobembar 1951, n. 1031, kaas oo ansaxinaya heshiiska ilaalinta dhulka Soomaaliya ee hoos yimaada Maamulka Walaayada Talyaaniga oo siiyanaya awood fulineed oo buuxda;

IYADA OO LA TIXRAACAYO baahida loo qabo in loo sameeyo dowrad kalkaaliyayaasha Daryeelka Caafimaadka bulshada, ee loogu talagalay billowga unug u tababaran shaqaalaha daryeelka caafimaadka iyo farsamada ee dadka degaanka si loola dagaallamo cudurrada bulshada iyo xeerarka nadaafadda iyo fidintooda.

KA DIB DHAGEYSIGA aragtida Golaha Caafimaadka, oo lagu aasaasay Xeerka 'Nadaamiye no'. 12 ee 30 Juun 1951;

MARKI ARKAY qodobka n. 2 ee Xeerka No. 47 1950 kaasoo siinaayo Xoghayaha Guud in uu qabto howlaha loo igmaday Maareeyaha marka uu maqnaado;

WUXUU XEERAYNAYAA:

Qod. 1.

Waxa la asaasay “dowro loogu talagalay Kaalkaaliyayaasha Caafimaadka Bulshadda” oo ah xarun (aan buuxin) la dagaalanka qaaxada ee Isbitaalada Muqdisho.

Qod. 2.

Amarka Mideysan ee dowrada loogu talagalay Kaalkaaliyayaasha Caafimaadka Bulshada ayaa la ansixiyey, kaas oo habeynaya shaqada dowrada lafteeda.

Qod. 3.

Kharashyada dowrada waxaa la saaari doonaa Cutubka 63 ee Sannad Maaliyadeedka 1952-1953 iyo cutubyada u dhigma sannadaha soo socda.

Muqdisho, 29 nofemba 1952.

XOGHAYAHA GUUD

Canino

Arkay diiwaangelinta n. 913 ee R. D.

4 disembar 1952.

MAAMULKA WALAAYADA TALYAANIGA EE SOOMALIA
NADAAMINTA DOWRADDA KALKAALIYAYAAHSA CAAFIMAADKA BULSHADA

Qod. 1.

Dowrada loogu talagalay Kaalkaliyayaasha Caafimaadka Bulshadda waxa ay leedahay xarun (aan buuxin) la dagaalanka qaaxada ee Isbitaalada Muqdisho.

Waxana mas'uul ka ah Agaasimaha caafimaadka ee mas'uulka ka ah adeegyada caafimaadka bulshada.

Qod. 2.

Dowrada kalkaliyayaasha caafimaadka bulshada waa sannadle, waxa ay billaaban horaanta bisha jannayo waxa ayna dhammaan horaanta bisha oktoobar.

Dowrad kasta oo sannadle ah laguma qori karo 15 arday ka badan.

Qod. 3.

Kalkaliye iyo kalkaaliso caafimaad ee leh ugu yaraan labo sano oo howlkarnimo ah, da'dooduna yasan ka weyneyn 30 jir, oo leh shuruudaha lagama maarmaanka u ah jir ahaan iyo damiir ahaan, ayaa lagu qori karaa koorsada kaalkaliyayaasha Caafimaadka Bulshada.

Gelitaanka dowrooyinka si kastaba ha noqotee waxa uu ku xiran yahay ku gudbidda imtixaan guud ee dhaqanka, ku habboonaanta iyo u diyaarsanaan guud ee caafimaad. Imtixaankaas waxaa qaadaya Guddi imtixaan oo ka kooban: Kormeeraha Caafimaadka — Guddoomiye — Hoggaamiyaha adeegyada caafimaad ee bulshada, iyo Maamulaha Isbitaalka Lansareeti, ee Muqdisho; kormeeraha Caafimaadka — Guddoomiye — Dhaqtar Goboleedka, iyo xubin saddexaad, oo ay suurtagal tahay in uu yahay dhaqtar, ka tirsan xafiisyada kale ee Maamulka Gobolka.

Qod. 4.

Ardayda loo ogolaado inay u xaadiraan dowrada kaalkaliyayaasha Caafimaadka Bulshadu waxay u adeegi doonaan qaybta la dagaalanka cudurka qaaxada ee Lazzeretto, qeybta dhalmada iyo qeybta caruurta ee Isbitaalka Martiini, iyaga oo raacaya sida ku xusan wareegga shaqo ee qeybaha ee uu dhisi doono Kormeeraha Caafimaadka, kadib soo jeedinta Maamulaha dowrada.

Qod. 5.

Casharrada akhriska ah (min 10 ilaa 12 saac usbuucii) waxa la qaban doona sida ku habboon galbihi iyada oo la raacayo jadwal uu soo jeedin doono maamulaha dowrada, uuna ogolaado xafiiska Caafimaadka.

Casharrada waxaa diiradda lagu saari doona maaddooyinka soo socda:

- 1) La dagaalanka qaaxada
- 2) La dagaalanka kaneecada
- 3) Cuntada iyo nafaqada
- 4) Caawinta hooyada iyo dhallaanka?
- 5) Nadaafadda iyo ka hortagga
- 6) Fikradaha guud daawada bulshada.

Qod. 6.

Meelmarinta wax barida waxaa jaheeya Maareeyaha, kadib soo jeedinta Maamulaha Dowrada, marka uu dhageysto fikirka kormeeraha Caafimaadka.

Macallimiinta waxaa looga baahan yahay inay buuxiyaan warbixinno kooban, oo bil bil ah, si loogu qaybiyo ardayda mid mid ahaan Maaraynta dowrada.

Macallimiinta waxaa loo qoondeeyey Sh. So. 12 gunno saacad kasta oo cashar bixin dhab ah.

Maamulaha dowrada ayaa loo magacaabi karaa inuu wax baro saacado aan ka badnayn 2 usbuucii.

Qod. 7.

Dhamaadka dowrada, ardayda ka qaybqaadata dowrada iyadoo dadaal badan iyo ka faaiideysi muujiyey isla dowrada ayaa waxaa loo ogolaan doonaa inay galaan imtixaanka kama dambaysta ahoon uu qaado Guddi ka kooban: Kormeeraha Caafimaadka _ Guddoomiye _ Maamulaha dowrada iyo Agaasimaha Isbitaalka. Laansareeti. Qiimeynta Guddiga Imtixaanku waa kama dambeeya iyo laguma noqdaan, ardayda ku gudubta imtixaanka kama dambaysta ah waxay heli doonaan shahaaddada imaanshaha dowrada.

Xubnaha Guddiga Imtixaanaadka, ee lagu xusay qodobkaan, waxay xaq u leeyihiin gunno Sh. So. 5 ee arday kasta oo imtixaan laga qaado.

Qod. 8.

Waxa iska leh xafiiska caafimaadka in uu joojiyo dowrooyinka taas oo ay ugu wacan tahay tirada ardayda oo aad u yaraata ama sababo kale oo farsamo awgood, oo aan dammaanad qaadeyn natiijooyin lagu qanco.

Qod. 9.

Waxaa Kormeeraha Caafimaadka loo diray Kormeerka guud iyo habsami u socodka howlaha dowrooyinka, iyo ogolaanshaha barnaamijyada waxbarista,

Muqdisho, 26 nofembar 1952.

XOGHAYAHA GUUD
Canino